

**ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՑԱՎԱԿՑԱԿԱՆ ԳԻՐԸ
ՀՆԴԻԿ ՄԱԼԱԲԱՐ ԵԿԵՂԵՑՈՒ ՔԱՀԱԿԱԼ ԲԱՍԻԼԻՈՍ
ՄԱՐ ԹՈՄԱ ՄԱՏԹԵՈՍ Բ-Ի
ՎԱԽՃԱՆՄԱՆ ԱՌԻԹՈՎ**

Հունվարի 29-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը ցավակցական զիր է հղել Հնդիկ Մալաբար Եկեղեցու նորընտիր գահակալ Նորին Սրբություն Բասիլիոս Մար Թոմա Դիդիմոս Ա-ին՝ Հնդիկ Մալաբար Եկեղեցու գահակալ Նորին Սրբություն Բասիլիոս Մար Թոմա Մատթեոս Բ-ի մահվան առիթով:

«Հանուն Ամենայն Հայոց Կաթողիկոսության և աշխարհասփյուռ մեր ժողովրդի, Մեր ցավակցությունն ու սրտակցությունն ենք հայտնում Հնդիկ Մալաբար մեր քույր Եկեղեցուն:

...Մենք ջերմությամբ ենք հիշում Մեր հանդիպումը Նորին Սրբության հետ 2001 թ. Սուրբ Էջմիածին կատարած Իր պատմական այցելության ժամանակ, Հայաստանում քրիստոնեությունը պետական կրոն հռչակման 1700-ամյակի առիթով: Մենք հիշում ենք մեր զրույցները մեր երկու ժողովուրդների եղբայրության և մեր ազգերը շաղկապող պատմական հանգամանքների մասին»,- մասնավորապես ասվում է Հայրապետական խոսքում: